

# IL NOSTRO DIALETTO

la "nostra lingua"

di Marco Sammarchi

L'era la seconda metè ed lòi e al sòul al ciuchèva in spiàza, anch s' l'era ancòura mattèina.

Sdraiè satta a l'umbarlòn par riparerom, am sinté dir dal mi amigh Oreste, un bresciàn ed qui all'antiga, ch' l'è anch al mi avsèin ed rulott in canppagg':

- Vuoi dare un'occhiata a *PANORAMA*?

- Ma sé va là! -

ai' arspnd in dialatt, parché al fag sampr' adanèr, dicendogli che il dialetto bolognese l'è dimondi più bèl che quall bresciàn, in quanto loro hanno la "esse" che la sblèsga dimondi int al dscorrèr, anch quand an' ié brisa dal giazzi!

Sfoglio le prime pagine del settimanale dedichè a la vetta polettica italièna e am fèirom a lezèr al lettèr mandè dai lettur al settimanèl, int la rubrica ed Sergio ROMANO *"Alla lettera"*, dov naturalmènt a zertonni agli dà arsposta.

Sò al nommèr ventiott ed lòi, ai' ho lett la lettera che la vén pubblicchè qué pèra-pèra, e che la m'ha dè al spònt par scrivèr qal suquanti righ qué satta, dimondi attuel, dov al progress l'avrà purtè sicuramènt di benefèzzi a zertòn, ma tanta miseria e degrèd in tant pais africàn e asiatic.



**"INTERNET NON SCONFIGGE LA FAME"**

*Avete sentito? Finalmente Internet per tutti!*

*Lo ha deciso il signor Clinton al summit degli Otto svoltosi in terra nipponica. Decisione sofferta considerando gli enormi mutamenti che apporterà Internet soprattutto in certe zone dell'Asia più misere o dell'Africa più dimenticata. Sconvolgimenti soprattutto nel settore nutrizionale. Chissà quante calorie può apportare un mouse con contorno di fili elettrici bolliti. La verità è che le multinazionali hanno capito che il profitto raggiunge picchi vertiginosi nel vendere alta tecnologia invece che macchine agricole e sementi, con interessi bancari minimi (dicono!) o a fondo perduto (piangono!).*

*Giordano Candi (da Panorama)"*

An m'arcord più chi é stè a dirèl, ma l'è stè dett che con totti stè multinazionèl e grandi sozietè a si stà verificànd che i ricchi diventano sempre più ricchi ed i poveri sampèr più puvrett. Se quast l'è al progress...

## PROGRÉSS?

Nuèter tutt ed “Dis Righ”,  
a sèn un bèl gropp ed zànt  
ch’a mittén nèigher sò biànch  
ed tutt quall ch’as vén in mànt.

Al fén pr’un scôp ban prezis:  
lascèr a chi vgnarà dop ed nò,  
testimoniànz ed còs  
che incù, in’esestén piò.

Al mònd al gira pr’un vèrs  
fén dal dé ch’al fò crèe.  
As guerda sòul quall ch’l’é nôv,  
quall ch’lé vecc’ al vén cazzè.

Al vecc’ an rànd ignènta,  
sia la rôba che parsòuna.  
Invezi con “INTERNET”  
t’pu cumprèr un pezz ed lòuna.

Difati tutt i guerén  
attuèl che in passè,  
i vrén psèir eliminèr  
quesi tutt i pensionè.

L’é ‘na spèisa madornèl  
sté pensìon sampr’in’aumènt.  
Ma chi deggan tutt chi espert:  
- Che fén èni fatt i versamènt? –

Tant pais in vè ed svilopp,  
in’hann gnènta da magnèr  
e qui chi plocchén quèl,  
ed malann i’hann da carpèr.

l’ ott piò grand Présidént,  
là in Giappòn, i’hann dett  
che pr’ aiutèr qila zànt là  
bisagga dèri “INTERNET”.

Zànt ch’l’é sànta cultura,  
sànta rôba da magnèr,  
sànz’acqua e sànta lus,  
con “INTERNET”, pôlni campèr?

Ott parsòun ch i'hann in màn  
al destén dal mònd intir,  
se i ragiunén acsé,  
ai'é sòul da rabbrividir!

Qué da nò, pr'esempi,  
da divers ann, pian pianèin,  
quand t vè in farmazi,  
it fann paghèr totti al mdsèin.

St'vè al spdèl an'ie più sit.  
Pr'un controll t'asptt di ann;  
acsé: o ch'is curén da sé,  
o ch'et stiòp coi tu malann.

Canzi e grèt al fnestèr,  
la porta ed cà blindè.  
Quand l'é bur asrè in cà,  
ch'am parén tott carzerè!

Al dé dop, fôra d'in cà  
quand ed compèr al giurnèl,  
scret in grand ed pu lezèr  
tott quall ch'l'esèst ed mèl.

Mai 'na volta ch'et vadd scret  
che la rôba lé calè  
e che tott i delinquènt  
da sté mònd is n'éin andè!

L'é 'na bèla sperànta,  
'na còsa sànta futur;  
ma che dimondi i vrén  
par psèir vaddèr di dé miur.

Valur sozièl, dignitè?  
Tott i sentiment umàn?  
Ai vlegga incrementèr  
par fèr miòur al nostèr dmàn?

Sinchenà, ban ch'la vâga,  
par môd chi seppén feliz,  
a dirén ai nostèr fiù:

**- L'ANDEVA MÈI, QUAND L'ANDEVA PIZ ! -**